

ს.ს. „ენერგო-პრო ჯორჯია“

დადგენილება #მმ-0002-24  
გაფრთხილების სახით ადმინისტრაციული სახდელის  
დადების შესახებ

08.02.2024წ.

ქ. მცხეთა

- დადგენილების გამომტანი ორგანო (თანამდებობის პირი):  
ს.ს. „ენერგო-პრო ჯორჯია“-ს მცხეთა-მთიანეთის ადმინისტრაციული სამართალდარღვევის საქმის განმხილველი კომისია;
- საქმის განხილვის თარიღი: 2024 წლის 08 თებერვალი.
- ცნობები პირის შესახებ, რომლის მიმართ განიხილება საქმე:

სიმონ გულიევი 3/ნ 31001001838 მცხეთა, სოფ.ძველი ქანდა მე-4 ქ. N49

4. საქმის განხილვისას დადგინდა შემდეგი გარემოებები:

საქმის მასალებიდან ირკვევა, რომ 2024 წლის 5 თებერვალს, მცხეთის მუნიციპალიტეტ, სოფ. ძველ ქანდაში დაფიქსირდა ელ.ენერგიის აღრიცხვის წესების დარღვევით მოხმარების ფაქტი, კერძოდ, აბონენტ სიმონ გულიევს (აბ.4110043432) დავალიანების გამო შეუწყდა ელ.ენერგიის მიწოდება, ხოლო შემოწმებისას დადგინდა, რომ ადგილი ჰქონდა შეწყვეტილი ელ.ენერგიის თვითნებურ აღდგენას. აღნიშნულ ფაქტთან დაკავშირებით, 2024 წლის 6 თებერვალს შედგა ადმინისტრაციული სამართალდარღვევის ოქმი ასN009787, სადაც სამართალდამრღვევად მიჩნეულ იქნა თავად აბონენტი, რომელიც აღიარებს მის მიერ სამართალდარღვევის ჩადენის ფაქტს. სიმონ გულიევს მიერ ელ.ენერგიის თვითნებური აღდგენა (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ ელექტრონულად გამოგზავნილი ინფორმაციით. სიმონ გულიევს ეცნობა საქმის განხილვის დროისა და ადგილის თაობაზე, თუმცა სხდომაზე არ გამოცხადებულა, არც გამოუცხადებლობის საპატიო მიზეზების შესახებ უცნობებია კომისიისთვის, ამდენად, კომისია უფლებამოსილია განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (ადმინისტრაციული სამართალდარღვევის ოქმი; დამრღვევის ახსნა-განმარტება, შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია და შეტყობინება. (საქმეში ასევე წარმოდგენილია აღრიცხვის კვანძის შემოწმება-მიღების აქტი #A1268605, სადაც აღნიშნულია რომ ადგილი ჰქონდა, ელ.ენერგიის მოხმარებას აღრიცხვის წესების დარღვევით) რომელთა მეშვეობითაც დგინდება სიმონ გულიევს მიერ ადმინისტრაციულ სამართალდარღვევათა კოდექსის 96<sup>1</sup> მუხლის 1-ლი ნაწილით გათვალისწინებული სამართალდარღვევის ჩადენის ფაქტი. სამართალდარღვევის ოქმი შედგენილია ასკ 240-ე მუხლის მოთხოვნათა დაცვით. დაცულია ადმინისტრაციული სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების სამთვიანი ვადა.

ს.ს. „ენერგო-პრო ჯორჯია“

5. ზემოაღნიშნულის საფუძველზე, ვიხელმძღვანელებ რა საქართველოს ადმინისტრაციულ სამართალდარღვევათა კოდექსის 96<sup>1</sup> მუხლის 1-ლი ნაწილით; მე-10; 38-ე; 228<sup>2</sup>-ე; 236-ე; 264-ე; 266-ე მუხლის 1-ლი და მე-2 ნაწილებით; 267-ე; 271-ე; 273-ე მუხლებით; სემეკის 12.08.10წ. #14 და 28.06.2021წ. #19 დადგენილებებით; ს/ს „ენერგო-პრო ჯორჯიას“ გენერალური დირექტორის 30.06.2022წ. # EPG RU2022007 წესით, 01.07.2021წ. #OR2021018 ბრძანებით და:

### და ვ ა დ გ ი ნ ე:

6. სიმონ გულიევი პ/ნ 31001011367 ცნობილ იქნას ადმინისტრაციულ სამართალდამრღვევად ა.ს.კ. 96<sup>1</sup> მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

(სამართალდამრღვევის ჩამდენი პირის დაახელება)

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას - 15 000 ლარის ოდენობით.

8. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

9. დადგენილება შეიძლება გასაჩივრდეს მხარისათვის მისი ჩაბარებიდან/საჯარო გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: ქ.თბილისი, მიცკევიჩის ქ. №19).

უფლებამოსილი პირის ხელმოწერა:



ნიკო გოგიტიძე  
კომისიის თავმჯდომარე